

欽定剿平三省邪匪方略

欽定剿平三省邪匪方略正編卷一百四十三

庚申年

正月十五日

戊辰

德楞泰奏言查鮮苟等逆自截

向謝家壩奔逃之後愈形狼狽日行百里以外

惟向老山箐林而逃

臣

跟蹤追擊沿途頗有斬

獲賊遂竄入大寧之火鑱埡經我兵冒雪直上

剿擊其尾山高路滑仰攻維艱兵勇亦有帶傷

陣亡者約殺賊八九十名生擒黃登第等十六

名餘匪直奔中嶺大山雪霧交加積厚三尺賊
匪驟馬滾跌大半偏橋盡被拆毀官兵因冰雪
露宿久無鍋帳勢不得不暫爲歇息臣一面派

令兵勇整搭偏橋修理道路旋即前進查看賊
蹤凍死自殺者不下百餘人隨營夫役亦有凍
斃官兵因雪光罩眼及凍壞手足者亦有十數
人擊獲落後賊匪易添美等及逃出難民姚紹

志等僉供賊營現在男婦大小不過二千餘人
大眾原不肯進山因官兵追殺得緊纔走此路
當卽分別辦理二十七日至大寧之康家壩解
荷等逆遁入黃墩老山一帶欲向太平逃逸該
逆等窮奔緊急旬日已厯雲開奉大太平五縣
地界幸經官兵緊躡百姓尙不致受其荼毒
十八日正移營間接據督臣松筠來信西鄉南

鄭一帶，有馬姓、羅姓等數股賊匪，合而爲一，約有萬人。近由城固所屬地界翻山，至南鄭之紅廟塘，距江數十里，分屯數處，竟欲搶渡漢江。而上游綿長淺澗處，所甚多賊，宋兵單極爲緊急。又稱西鄉東路賊股亦多，獲犯亦稱川省無糧。因官兵追緊，要從漢江上游搶入甘省覓食。已將一切情形縷晰札致，額勒登保派兵由寧羌

入境並令臣分派鎮將帶領官兵由西鄉入境

協剿查額勒登保現在巴東一帶剿辦各逆正

當喫緊之際恐不能分身赴彼臣帶兵六千餘

名除陸續患病及傷亡外現有不過五千餘名

若再分帶赴陝於彼恐難制勝於此究形單弱

兩俱無益近准額勒登保札知因臣一路兵力

不敷分辨札令朱射斗所帶之兵前來協剿今

陝省江岸緊急

臣

自宜迅卽帶兵往剿其鮮苟

等逆究在川省應令朱射斗就近剿辦

臣

現抵

大寧飛仙觀擬由太平直趨西鄉江邊約程一

千一二百里而山中雪霧連綿至今尙未晴霽

惟有酌量兵力趕緊前進卽或途遇另股賊匪

亦只可剿而不追計旬日間可以到彼並先行

牌傳沿途州縣

臣

統領巴圖魯侍衛百員滿漢

屯土勁旅二萬前來西鄉一帶剿辦賊匪張其
聲勢以安民心而壯兵志且使各逆聞風亦可
震懾再受傷及陣亡兵勇數名容俟另行咨部
其凍壞手足及雪光罩眼各兵弁刻難就痊應
遣回營以示體卹奏入

上命軍機大臣傳諭德楞泰曰德楞泰前於大寧一
帶剿辦竄匪迄今已及月餘正深盼望乃本日奏

到之招不過鋪敘山高路遠等語交加官兵有凍
壞手足之事並未打一勝仗擒一著名首逆德楞
泰著傳旨嚴行申飭前因川匪竄入寧沔一帶曾
降旨令德楞泰前往陝西以剿嗣因額勒登保親
自到陝督兵剿賊並知會德楞泰在開縣一帶同
魁倫帶兵剿辦再添元等處賊匪不必前赴陝省
此時德楞泰自應接到額勒登保知會不復前往

若已帶兵赴陝於接奉此旨後卽速回至雲陽開
縣等處與魁倫併力剿辦再魁倫從前雖在川年
久現係總督但於該處賊匪情形及一切堵剿機
宜自不若德楞泰之熟習惟當與魁倫協力同心
會商妥辦如能將川省各股賊匪迅速殲除卽屬
德楞泰之功不可再有遷延致干咎戾

同日松筠奏言稿

臣

接據安肅道瑞亨稟報上

年十二月二十六日該道自泳寧河趕至虞關
令都司來興閻應龍署都司強秉鈞分帶官兵
前赴羅漢洞一帶防守白水江岸無如冬月水
涸二十七日賊匪約有七八千人由畧陽入渡
溝奔出一擁躡渡來興奮力截擊身被矛傷陣
亡該道親督官兵迎頭堵剿殺賊八九十人山
道崎嶇馬蹶墜地跌傷左腿將弁奮力救出時

家丁宜誠領急來救護被賊扎傷落崖聞應龍
身受矛傷二三處其餘千把兵丁均有傷亡該道
鼓勵弁兵在虞園紮住二十八日又有賊匪數
千人繼至搶渡白水江瑞亨督兵據險施放鎗
礮斃賊二百餘名生擒二十五名除貨係被裹
良民六名咨遣回籍外餘俱真賊當卽正法訊
據賊供前股係高家營戴家營後股係張家營

尚有一股在後並據探報逆匪樊人傑唐大信
王延詔等皆隱藏名姓竄匿於此三股內未知
確切該匪等本欲奔往成縣西鹽場一帶擄掠
牲畜徑竄鞏昌幸道員瑞亨奮勇堵截總兵吉
蘭泰由畧陽趕赴虜關聯絡聲勢賊匪未能西
竄遂翻越大嶺東趨徽縣屬之鐵山臣已派員
統道前往瑞亨軍營慰問所有傷亡官兵容俟

查斷言部請卹查賊匪分股奔竄現又由嶽縣
闖入兩當縣境吉爾泰瑞亨所帶官兵共三千
餘名聚於一處則顧此失彼分之愈形單弱且
從賊後追逼前無大兵攔截入境愈深則驅出
愈難臣分札該鎮道及知府隆興等繞至西北
於鞏秦一帶大張聲勢使賊匪不敢北竄以待
大兵合剿署藩司姜開陽深知緩急聞信後已

派叅將瑪靈阿帶督標兵五百名馳赴秦州並
調甘省提標兵五百名涼州鎮兵一千名陸續
進發

臣

以帶兵必得安人飛催慶成速赴鞏秦

一帶相機堵剿似可不致深入但徽縣兩當毗
連棧道倘該匪分出奔入棧內不惟阻隔驛路

且恐東趨與張逆餘黨合夥

臣

復令王文雄撥

兵五百名派遊擊關聖保領赴鳳縣駐紮防守

並令總兵索費英阿帶 入棧於留壩武關等

處探蹤迎擊總兵長春業已調赴王文雄軍營

幫同嚴防漢江兼顧袁沔南鄭以遏西鄉賊匪

北竄之路其兩淮撥解四川餉銀已到鳳縣未

便稽遲有關聖保索費英阿王文雄各路兵力

分佈大道此項餉銀即可接替護運以資接濟

惟現在賊數繁多必須大兵趕急剿辦

臣 飛咨

那彥成恒瑞帶領官兵趨程前進適接經畧額
勒登保來札因在東鄉距陝較近得臣前信將

所剿餘匪再添元等交德楞素就近統辦卽帶

滿漢官兵六千餘名由東鄉取道蒼溪廣元入

陝剿此各股賊匪並因漢江上游水淺兵單先

撥官兵一千名來陝協力防堵實爲得力那彥

成恒瑞接奉

諭旨自己取道趕赴甘境截剿大兵雲集當可一鼓

成功至額勒登保那彥成等軍營所需糧餉軍

火臣督飭妥辦弗致有悞其紫陽石泉漢陰沿

江竄匪業經額勒亨額柯藩及遊擊張應魁都

司德克精額等同地方廳縣竭力堵剿賊匪未

能搶渡奏入

上命軍機大臣傳諭松筠長麟曰川省竄匪由畧陽

八渡溝奔至白水江搶渡先後幾及二萬瑞亨督
兵堵剿因馬蹶跌傷左腿能將賊匪截住不致擾
及鞏秦甚爲出力著加恩賞給按察使銜並賞戴
花翎仍著交部議敘該道受傷之處今已全愈否
遇便奏聞都司來與奮力截擊身被矛傷陣亡者
咨部賜卹都司閻應龍身受矛傷二處殊堪憐憫
如已全愈卽以應陞之缺補用或因傷重殞命亦

著咨部賜卹其瑞亨之家丁宜該額以急於救主
被賊戕害著照兵丁例賜卹此次賊匪分投奔竄
現又由徽縣闖入兩當縣境松筠已分札該鎮道
及知府隆興等繞至西北於鞏秦一帶大張聲勢
以遏賊匪北竄之蹤所見甚是現在姜開陽已派
叅將瑪靈阿帶兵馳赴秦州陸續進發經松筠飛
催廣成遠赴鞏秦一帶管領相機堵剿昨據楊探

奏已撥固原等處兵一千五百名尙知緩急機宜
現在額勒登保帶領滿漢官兵六千餘名入陝剿
辦並因漢江水淺兵單先撥官兵一千名赴陝協
堵而那彥成現又率領吉林勁兵並添派兵力前
往徽縣一帶協剿計此時額勒登保及那彥成等
先後統領大兵合之吉蘭泰原帶官兵並楊揆妻
開陽所調甘省官兵已不下一萬聲威壯盛現在

竄匪亦不過二萬況大半皆係難民以各路兵力
剿辦儘可敷用松筠長麟惟當督飭該鎮道等協
同各路官兵上緊剿辦總須將各股竄匪大加殲
戮卽在陝甘境內辦淨方爲妥善

同日

上命軍機大臣傳諭成都將軍阿迪斯曰近聞廣興
到川後經營軍需一味苛刻不知大體將各處鄉

勇任意大加刪減以爲可以節省錢糧意圖見好
殊不知該處鄉勇久經團練既可藉資堵禦保護
地方兼可令無業游民仰給於官免致失所若大
爲裁撤則此等鄉勇無業可歸必致去而從賊况
剿辦賊匪之事若能尅日告蒞則所省實多若再
遷延時日徵兵撥餉轉致需用浩繁是名爲撙節
更多糜費廣興惟逞其小見全不以國事爲重難

勝總辦軍需重任並聞其前赴川省時沿途亦頗
不安靜現已派副都統托津前往辦埤但托津到
川尙需時日所有該省軍需事務先著阿迪斯暫
行署理一面傳旨諭知廣興令其由驛回京候旨
不許逗遛阿迪斯辦事亦非所長特因彼處現在
乏人是以暫令代辦惟當遵守魁倫所定章程妥
爲辦理不可自出意見致有紛更亦不可存暫時

代辦之見怠忽因循致糧運或有貽誤統俟托津到後阿廸斯卽行交代仍在原帶兵處所實力防堵可也

十七日

庚午

倭什布奏

臣

接據稟報張洪榮一

股賊匪二十日由黃墩地方折回與川省竄來之賊會合內有青黃白及線字等號人數多至四五千人在平利錫甘溪屯紮分股擄掠

臣思

賊匪糾合大夥折回逐日向東北窺伺楚省西
南各卡尤爲緊要因在西溝西面河一帶鼓勵
兵勇實力堵截該匪於二十一日夜撲五里壩
卡所經兵勇堵住外委周天華力敵被戕二十
四日夜半該匪乘雪衝撲雞心嶺營盤官兵施
放鎗礮抵禦斃賊十餘人始行退去臣當調撥
兵孫清元帶兵前往督防二十五日賊又窺至

釣溪溝地方經西溝卡員擊退二十七日開槍
撲得勝坡慶溥營盤亦經官兵剿退該逆分股
在界外茅壩甘溝黑虎廟尖山坪馬鞍山等處
沿邊上下分合無定並據各卡陸續盤獲賊探
李正毅洪昇丁勉仁等十三犯均供該匪等約
會捨命分投衝入楚境希圖東竄臣一面飛札
慶溥帶兵兜剿親在各卡晝夜往來巡歷督飭

堵守不遺餘力初四日臣在西溝據報一股賊

人竄至陝省亢喜坡水卡將上次添設兵勇隘

所攻破臣飛卽馳往從東面截剿詎該匪於初

五日黎明翻越漆扒老林偷過光頂山抄至石

店河後倒撲卡座把總楊廷秀楊文魁力戰殞

命臣聞信卽折回泰山廟攔堵賊人佔踞高崖

連次下壓官兵未能得手相持一日夜臣因現

有兵勇不及千名隨飛調孫清元帶兵趕回協
剿初六日早先令叅將吉林泰曹星等分領兵
勇奮力仰攻自辰至午搶過山包殲賊二十餘
人乘勝進擊追剿三十餘里復殺賊八十餘人
生擒蔡同高等二十六名距石店河卡僅十餘
里天色已暮官兵欲將賊匪盡力逼過石店河
卡外以便安兵照舊堵禦不意賊匪東竄情急

分段暗從兩旁老林內抄出隊後圍裏守備黃
富國千總彭樺邢允襄把總邢允貴外委李光
春等因首先奮勇剿擊被賊截住而前面賊人
又乘勢撲壓致前後受敵同時力竭捐軀實爲
可惜官兵當從山梁撤退溝下復有馬賊抄至
致我把總胡得勝劉士元千總銜鄉勇首都建
寅並得力兵勇傷亡不少官兵甫抵玉璜頂茲

營賊衆竟敢乘勢搶近牆壕徹夜攻撲臣親自

督率週圍施放鎗礮盡力堵禦尙無疎失天明始知賊已分大半由王家山向東竄去追擒活

賊周有厚等七名供稱此係四股合夥共有五

千餘人黃號頭目姓樊白號頭目姓張初四日

合力撲進亢喜坡暗從界嶺老林內覓道向紅

銅山東走因恐大兵前來攔截挑選健壯二千

餘人向石店河來擋住官兵查賊匪既已合隊
闌至邊境自應趕緊兜截現在孫清元已帶兵
趕回卽令從南面繞道抄出賊前並抽出仙女
巖羅漢埡等卡都司劉應世等官兵由北顧竹
谿縣城抄至東面攔截臣一面湊集兵勇加緊
追剿與孫清元夾擊若能於楚境殲除固善否
則逼逐出境惟楚省界外尙有賊匪邊隘仍屬

興緊現聞德楞泰行抵平利之茅壩地方相距
甚近已知會派令大員前來搜剿仍飛咨額勒
登保就近撥兵所有前後擒獲賊匪均經正法
其傷亡兵勇另行查明咨部辦理奏入

上命軍機大臣傳諭倭什布曰此次在陝境平利游
奕賊匪竟敢分投攻撲楚省卡隘自因倭什布於
前次賊匪折回陝境後稍存大意未能嚴飭各屬

弁兵實力防範以致賊匪乘間攻撲復行東竄倭
什布實有應得之罪但閱摺內堵禦情形賊匪合
夥直撲卡座守卡備弁等悉力迎禦並不稍有退
縮以致傷亡十餘員之多尙非防堵不力是以不
卽治倭什布之罪著傳旨嚴行申飭今賊匪旣已
闖入邊境自應趕緊兜剿不容深入但四股賊匪
其有五千餘人楚省兵力稍單恐不足以資堵剿

已降旨令德楞泰帶兵速赴楚省協剿此時德楞
泰七十五俱在川東辦賊着倭什布察探俟二人
剿賊處所何人距楚較近卽行飛咨帶兵速至竹
谿一帶幫同剿辦倭什布既經疎懈於前此次務
當倍加感奮併力兜剿至賊首樊人傑昨據松筠
奏稱該匪與唐大信等隱藏名姓匿跡高家等營
之內搶渡白水江闖入甘境何以倭什布摺內又

省民人節經賊擾均於險要山頂砌築堡寨秋

收之後疊經

臣

通飭各處令將糧石牲畜盡數

移貯寨內以杜搶掠是以賊匪在川頗形飢困

總欲竄入陝楚現在川省賊匪雖尙有徐添德

冉添元鮮大川苟文明楊開甲張子聰雷思旺

等股而人數實在比前較少但其勢急故奔竄

愈加迅速其人少故行走更爲便捷官兵輾轉

追逐涉水登山日奔馳百數十里官兵雖極精
銳而前無堵禦亦難得手是以臣於各州縣原

設鄉勇有應須防堵之處不但不敢遽行裁撤
且有添募以期於賊至時迎頭堵截其離賊氛
稍遠之地卽量加裁減或全數撤除均按目下
情形隨時辦理卽如昭化南部蓬州三州縣城
池均在嘉陵江之右誠如托津所奏賊匪因有

此江阻隔不能竄往安堵如故然嘉陵江之左
即在在經賊蹂躪道路四通前此賊匪屢次撲
河搶渡俱經鄉勇擊退是嘉陵江右百姓得以
無虞者實由隔河防堵嚴密之故江左鄉勇固
未便裁撤卽江右鄉勇亦藉以守城防河未便
分移惟此時較之從前情形緩急稍有不同是
以原抵任數月以來酌量去留且鄉勇與兵丁

不同鄉勇必須就地僱募不特熟悉地理且自衛其鄉更爲出力若調往他縣不但應給安家銀兩糜費過多並恐易地不能得力臣抵任以

來減所不用添所必需卽與移駐無異至各州

縣額設兵丁除離賊較遠地方業經抽調隨征

外其現在防守地方如蓬州等處兵丁多不過

百十名未便移調別處堵剿現據探報有賊匪

二股在寧羌南鄭二屬之柳樹堽寬川鋪等處
滋擾距七盤關不遠雖該處原設防兵三百餘
名恐不足以資防範臣已飭令知府德福添募

鄉勇並令防守廣元之副將舒林保於木門廠
等處官兵內酌行抽撥帶往防堵查軍營移步
換形惟當酌量緩急隨時相度變通辦理卽如
賊匪將竄畧陽臣接到松筠來信恐其由陽平

關竄入龍安地界當卽連次札飭龍安府文武
許其於後路隣封調撥兵勇預爲嚴密防堵

臣

卽日帶兵取道梁山太竹追剿賊匪務期於二
三月以前悉數剿盡以慰

宸厪

魁倫又奏言查福寧前在旗鼓寨剿賊殺戮降
人一節茲調到日朝龍面加覆訊據稱賊衆向

悍狡詐當貽實因萬分窮蹙始稱投降福寧尤
淮原是將計就計帶至龍山復因兵勇分派剿
賊所存無多恐辦理不善別生事端所以誘令
隨征給糧陸續辦理核與福寧所供情節相符
是福寧尙非有心欺飾以殺降爲冒功之計但
未將辦理緣由據實詳晰聲明其錯謬朦混之
咎實屬百喙難辭

臣

駐達州以來留心訪察福

寧督辦糧餉尙屬詳慎於支發軍需多有批駁核減以致帶兵各員不能滿意查其任內經手數目惟因年節賞給守城及各卡兵丁曾向達州局提用銀四千九百八兩零此項自應不在作正開銷將來於福寧名下着落照數賠補此外查無浮冒侵貪情弊其人本有心計所辦諸事尙屬紮實此時正當需人之際仰懇

聖主施恩格外予福寧以一綫自新之路令其自備
資斧帶兵効力贖罪福寧感激

鴻慈當必倍加奮勉於現在剿賊要務不無裨益均
奏入

上命軍機大臣傳諭冠倫曰魁倫自到川以來曉諭
民人砌築堡寨賊匪無所搶掠是以分竄陝省闌
入甘省地界是魁倫在川經理已見功效至川省

路徑紛歧卡隘甚多不能不藉鄉勇分投守禦現
在魁倫按照地方形勢緩急情形將鄉勇酌量分
撥布置均屬得宜此時額勒登保已赴陝甘與那
彥成等剿辦大股窩匪其川境各股賊匪前已降
旨專交德楞泰魁倫二人督剿今魁倫摺內稱卽
日帶兵取道梁山六竹進剿期於二三月以前悉
數剿盡此朕所晝夜盼望者魁倫務當與德楞泰

同心協力上緊剿辦不可因伊係總督專管地方
事務德楞泰係領兵大員彼此稍分畛域現據倭
什布奏陝境平利之賊又擾及竹山竹谿一帶隘
卡該處距德楞泰一路不遠已飛咨帶兵援應楚
省防堵兵力較單德楞泰自應前往督剿其川境
各股賊匪卽著魁倫上緊剿辦若能肅清川境朕
必優加懋賞尙各股賊匪經官兵截剿緊急相率

投誠自當量與收撫但必須痛加剿殺後使賊匪
無處逃生真心悔罪斷不致復懷反側方可受降
如情跡可疑或倉猝之際人數衆多真偽難辨莫
若暫緩准降若旣准投誠之後則不可復懷疑慮
設計誘殲致如福寧在旗鼓寨殺降之事又另摺
奏請令福寧自備資斧帶兵効力贖罪一節福寧
前次攻破旗鼓寨時旣准餘匪投降豈宜復加誅

戮茲雖據魁倫訊明呂朝龍彼時福寧因賊衆克
悍狡詐恐別生事端將計就計誘令給糧隨征陸
續辦理但究係殺降爲兵家所最忌今之不肯就
撫未必不由於此卽謂福寧事非得已未便將伊
一人抵二千傷人之命但罪有應得核其情節卽
不至於死亦當酌核定擬具奏請旨定奪乃魁倫
遂請將福寧寬宥令其帶兵自贖所奏殊屬非是

著魁倫仍將福寧按律定擬具奏不必起解候朕
另降諭旨

同日署甘肅布政使姜開陽奏言竊臣接據徽

縣稟報十二月二十七日賊匪六七千人由陝

省畧陽竄入甘境安肅道瑞亨帶兵堵禦因衆

寡不敵弁兵間有傷亡現在賊匪逼近徽縣城

池時來窺伺並有分竄西和禮縣其中路徑分

歧巫須分布重兵方可遏其奔竄之路現在徽
縣一帶僅有總兵吉蘭泰帶兵一千餘名會合
瑞亨在彼堵禦秦州一帶僅有知府隆興帶兵
五百名在彼駐紮兵力較單實不足以資剿捕

臣駐劄蘭州省城重地僅止一人未敢輕離當

卽咨商廣厚酌量緩急如西寧番案將次完竣
囑令趕緊前來仍一面派調督標甘涼兵二千

名酌委叅遊大員帶領馳赴秦州一路迎頭截擊以杜賊匪北竄之路并另調寧夏鎮兵二千名交與吉蘭泰統領調遣惟此次賊匪人數較多恐須續調官兵臣復於固原提標暨河州鎮屬酌派兵二千名咨明該營預爲籌備設或兵力不敷即可隨調隨行不致遲滯臣正在辦理間適接楊揆自途次所發來信奉督臣松筠飭

令馳赴秦州堵禦業由涇州折回繞道前進因
思楊揆既經趕赴秦州各路布置需兵自多臣

卽將備調固原提標河州鎮屬兵五百名并已
經派赴秦州之督標甘涼兵二千名一併咨明
楊揆俟到秦州後察看情形何處緊要卽派赴
何處會合堵剿總期籌辦嚴密迅速蔽功至各

路應需軍火糧餉最爲緊要臣現在寬爲預籌

源源接濟不敢稍有貽悞奏入

上命軍機大臣傳諭姜開陽曰賊匪由畧陽竄入甘境姜開陽添派兵丁堵截並於固原等鎮酌派官兵預備調遣所辦俱妥前因竄匪闖入畧陽逼近徽秦一帶已諭令額勒登保那彥成各帶兵勇前往剿辦想姜開陽自尙未知此信故添調冬兵預爲截剿防堵之計此時額勒登保那彥成自可到

彼所帶官兵不下一萬餘人足敷剿辦又經松筠
飭令楊揆等帶兵馳赴秦州堵截更可併力截擊
妻開陽務當酌量情形如額勒登保那彥成兩路
大兵未到之先自不宜將現兵撤動若各兵俱已
雲集則甘省所調各兵有應行撤回者即可撤回
以免徒勞遠涉至軍需糧餉務須源源接濟不可
不妥爲籌備若甘省官兵剿捕緊急賊匪仍折回

川境姜開陽祇須於甘境邊隘酌留官兵在彼實
力防堵不必添派多兵致滋糜費

十八日

辛未

上諭內閣曰自川楚教匪滋事以來所過地方焚燒
搶掠迫脅萬狀民人不得已而從賊日以寢多經
朕節次降旨令領兵六員愷切曉示如賊匪中果
能有歸命投誠者以係朕之良民令地方官妥爲

收卹自降旨以後據川陝各督撫先後奏到被脅
之人悔罪投出者甚多但伊等早失生業室家田
土蕩然一空名曰回籍仍受流離顛沛之苦每一
念及朕心爲之惻然雖撫卹之旨屢下特恐地方
官未能安置而胥役人等又不免因其曾經從賊
加以凌虐任意索詐是伊等雖脫身賊中冀求生
路而仍不能各遂其生所謂安撫者有名無實卽

實任傳授邪教之徒若能去逆效順卽屬良民皆當許其自新一體收卹斷不以其曾經入教又復罪其既往倘地方官經此次宣諭之後不能仰體朕心妥爲辦理以致伊等稍有失所或任胥役從中訛詐一經查出必當重治其罪决不寬貸現在戶部侍郎周興岱出赴川陝祭告嶽瀆者於所過川陝曾經被賊處所將此旨明白宣布並面告地方

官遵照安辦以副朕矜恤愚氓脅從罔治至意

同日

上諭內閣曰前因明亮在陝省剿辦張漢潮一敗賊匪帶領多兵不能奮力殲除任其往來奔竄日久稽延於欒莊牧護關等處打仗情形又復奏報不實是以將伊革職拏問交大學士九卿嚴訊定罪但念明亮從前在西北兩路帶兵著有勲績嗣於

征剿大小金川曾任副將軍贊理軍務功成受賞
辦理湖南苗匪係伊接手蒞事剿辦湖北孝感邪
匪亦能迅速殄除嗣又在陝境殲斃張漢潮因辦
理遲延完經降旨將伊拏問明亮旋將張漢潮殲
斃雖其餘匪冉學勝等尙未淨盡而那彥成等帶
兵督剿僅在老林尾追徒疲兵力至今未能痛加
殲戮是辦理遲緩之罪不獨明亮一人爲然朕不

心細核明亮功多罪少况係宿將必應保全至明
亮在湖北得受餽遺訊明俱係犒賞兵丁並未入
已卽兩次查伊家產貲財亦屬無多亦未有似永
保於事後受賄之事罪不掩功非曲法示恩亦非
姑息明亮著加恩釋放賞給金頂領催前往湖北
竹谿一帶隨同松筠帶兵剿賊伊係屢經獲罪之
人本應自備資斧前往第恐行走不能迅速並著

加恩准其馳驛伊到軍營後所有一切分例不准
支給明亮經朕此次寬宥之後如能倍加感奮殲
賊成功尙當加以懋賞若再不激發天良力圖報
稱或仍以宿將自居不聽調度致有貽誤必當加
倍治罪不能再爲曲宥矣

欽定剿平三省邪匪方略正編卷一百四十四

庚申年

正月十九日

壬申

額勒登保奏言

臣

自達州起程

初八日行抵保寧途次接據陝省道員文需稟

稱各股賊匪由定軍山奔竄十二月二十四日

總兵索費英阿副將韓加業帶兵截剿斃賊多

人韓加業因兵力不繼致被戕害賊匪遂翻山

由晏家溝等處竄至畧陽之黑河因該處冰雪

茫大未能踴度現在寧羌畧陽沔縣三處相通
大路之附近村莊屯聚旋又據徽縣知縣稟稱
二十七日被匪搶渡白水江衝過營卡弁兵多
有傷害是該匪等因寧羌沔縣等處兵力稍單
輒肆猖獗蹤跡靡定未知日內又向何處滋擾
臣督率兵勇償程行走數日可到寧沔一帶隨
時偵探於何處可以抄截卽由何處進剿倘痛

打一二仗卽能得手騰出兵力更當與那彥成等將陝境之賊全行肅清惟本日接德楞泰來信因接有松筠來札奏明帶兵由太平大寧直

趨西鄉

臣

前經奏明將川省剿賊之事資成德

楞泰魁倫二人督辦先卽寄信德楞泰查照想係尙未接到伏思賊竄陝省固在緊急而川中尙有鮮大川苟文明張子聰再添元徐添德等

股匪亦須及早殲除若德楞泰帶兵並赴西鄉
則川東川北地方遼濶魁倫及各提鎮等所帶
之兵恐不足以兼顧且德楞泰由大寧前赴西
鄉相距一千數百里卽饋行仍在賊後一經尾
追又恐將該匪等驅之西向轉爲無濟今臣已
至保寧卽入陝境所有竄去賊匪自當上緊剿
辦是以飛札知會德楞泰不必再赴西鄉卽偵

探川境賊蹤與魁倫彼此酌商辦理以期迅速
歲事

額勒登保又奏言竊

臣

疊次欽奉

諭旨訓勉諄切伏查教匪滋擾本係烏合亂民實緣
辦理之始既不痛剿又不善撫遂至蔓延數省
不易撲滅自臣於前歲九月入川與勒保德楞
泰等先後辦理各路官兵殲戮賊匪首夥不下

二三萬人奉有脅從罔治

恩旨陸續投出者不下一萬餘人而隨時就撫及臨陣釋放安插者更不計其數是以賊衆日剿日減且該匪等因川中百姓結有秦落艱於掠食被兵追剿隨處藏躲見其實有窮蹙之勢故前此摺內叙及並非虛語而賊匪等一經竄陝又何以有七八千之多蓋賊匪節經剿潰一股卽

分爲數股數百人亦爲一股千餘亦爲一股一
賊卽有一賊之姓名但股數雖多未嘗有新添
另起之賊現在川中尙有數股此次奔竄陝疆
之賊焉能過多因陝中南鄭一帶居民散處非
如川省之結有寨落所以賊匪隨到隨擄卽見
增添再賊匪滋事日久愈形狡獪亦知潛伏抄
路牽綴官兵一經我軍趕及翻山越嶺而逃官

兵已難分趕且甫剿此股而被股復來又只可
先就近緊剿故一面剿殺一面仍有逃竄之賊
不能辦盡一股再辦一股至兵勇設卡防堵以
逸待勞原可以堵爲剿第山路綿亘卡座不能
處處密布各卡相距約須數十里每卡又不過
二三百人賊匪衝奪路徑往往於白晝以數十
人先來作攻撲之勢并窺探路徑經官弁兵勇

等擊退後復於夜間合衆而來營卡官兵能鎮
靜不動原可無虞無如所駐弁兵不盡勇幹臨

時不察虛實自相驚惶輒有疎失臣 登經嚴諭

指撥亦難期一律妥協又賊匪三五人猝赴數

十里之外放火明欲往東忽又向西愚民驚竄

傳說紛紛動以數百而卽稱爲數千真正賊匪

愍不畏死每遇打仗鎗箭並發之下仍復持矛

低頭直撲並以死爲過劫來生必有好處打散
之賊不論何股卽可依附並有假充官兵難民
立難辨認剿之不畏撫之不來絕無悔心此皆
賊匪可惡之處而未能卽了之實情也至剿辦
教匪陸續所調官兵爲數本多然卽如吉林黑
龍江官兵嘉慶二年原調三千名加以幼丁跟
役共計有四千餘名而此時除陣亡病故及寄

留養病殘廢遣發外各路所存只有十分之五
其綠營兵丁事故相等現在所存亦只有十之
五六此次剿賊雖係內地而川楚陝三處交界
之地數千里內跬步皆山溪澗險峻難以形容
官兵追賊日行八九十里爲最少多則一百二
三十里不等若十日半月人人皆可耐勞至閱
四五年之久無冬無夏並無一日停留且一日

之間於四更造飯起營上坡下坎喘息不停至
傍晚方能駐營遇有雨雪更覺遍身沾濕到營
尙須擊營立卡砍柴取水做飯甫畢已近更餘
內足力不濟之兵往往落後到營逾遲甚至無
處取柴取水而次日四鼓又須行走此尙係未
遇賊之日若趕及賊匪二更三更起營均屬不
定此一日追賊緊急鍋帳不能趕上食息更不

可必帶兵員弁只顧向前落後之兵更多深山
中屢經賊匪蹂躪食物無不昂貴官兵等向寨
洞中買一二兩麵食索銀一錢二分八九分不
等他物亦皆如此而終日扒山踰嶺晒水過河
布鞋須四五錢一雙不數日卽破足之迸裂不
能行走者頗多兵丁之苦亦難悉舉此種原可
另行更調以均勞逸無如去歲到來更換之兵

半係新募之人不惟烏鎗不能點放而且不耐
辛苦較之舊兵更不得力卽隨營之騾馬日逐
饋行草料又屬艱窘往往倒斃牲口如此何況
於人臣所領之兵尙能出力者實以兵丁所到
之處亦臣所到之處兵丁不得食息臣亦不得
食息而且時加慰勞於帶兵官弁刻加訓勉賞
罰必嚴故皆不辭勞瘁而各營不能盡皆如此

去歲冬初不得已將臣之兵與各提鎮所帶之

兵互相更調以期咸臻精銳此又官兵之實在情形也又帶兵大員能獨當一面者本不可多得派出後時加札飭指示尙每有迂緩不能及賊或追得贖匪而未能審度地勢又至損兵折將不能獲利轉切懸心若更換一人初到軍營地利既不熟諳一時亦難得兵心此又領兵大

員之情形也再如召募鄉勇勒保在川時各州縣多有安設期於到處截賊迅速完事其始亦能猛勇殺賊追後人心不齊不盡得力而所費亦屬過繁目下漸經裁撤雖令地方各官勸百姓自爲團勇州縣官既未能實力奉行而愚民無知一無所給呼應不靈況此等團勇平時俱各散處及至賊來鳴鑼聚集賊已早過卽或遇

賊一被傷害無不奔散此又圖勇之情形也至
於各州縣結寨民人大寨僅能自保身家小寨
尙難固守雖亦有急公殲獲賊匪者究不可多
得且川中賊匪多係附近之人此內或有與賊
私相往來俱不能免因其未露形跡亦只可置
之不問至堅壁清野其法甚善而小民逐日謀
生不能一日不相貿易山上結有洞寨亦須下

山耕作賊匪猝來仍被擄掠勒保與臣前後疊

出告示教誡再三而仍不能禁止至寨中擲給

米糧之事臣所到之處並經親加曉諭奈小寨

民人總以恐賊記讐破寨爲詞亦未能悉除其

弊此又民情之大概如此也又托津進京所奏

知府德福移駐木門營卡一事查賊匪至廣元

可通之路甚多不必盡由木門並非堵一木門

卽可杜賊該守偶以前次賊匪由木門逃竄會
經稟請將百丈關營卡移駐_臣以木門離廣元

三百餘里孤懸一二卡座恐有疎虞百丈關離
縣城二百里有大河一道從前在彼設卡安兵

尙屬扼要仍飭令該守相機酌辦賊匪奔竄無
定此等移營設卡之事地方官隨時俱有稟報
節經_臣酌量批飭遵辦而要非挪移一營一卡

卽足以資捍衛至於各州縣調用出征官兵之外各有存兵辦理營中之事不能盡皆撤出其餘駐防之兵亦因其地關緊要酌量安設其離

賊較遠之州縣

臣

亦隨時酌商魁倫調動當此

剿賊萬緊之際豈肯以有用之兵置之無用之地托津往來川省未到軍營所以未能深知至

臣

接任經畧以後凡遇堵剿賊匪應行辦理各

事隨時俱經札商那彥成松筠倭什布等前經
慮及賊匪竄楚派令七十五帶領兵勇六千餘
名追剿張子聰一股賊匪並卽緊顧東面又聞
陝之西鄉一帶王文雄所帶兵勇單薄於守備
馬廷祥帶往川兵八百餘名之外續又撥去山
西兵二千交王文雄調派以資堵剿上年十二
月二十三日在東鄉王家壩接准松筠來信知

賊匪竄入南鄭境內恐致蔓延當撥陝甘兵一

千餘名派令副將永明先行帶領赴松筠處聽

候調用臣恐該處一帶旣在緊急鎮將等尙不

足恃維時德楞泰又在川東相距較遠臣遂帶

兵親往又以川中之賊德楞泰一人恐不能兼

顧請

飭交魁倫一同督率辦理而通查川省現有之賊各

撥共計不過萬數有德楞泰魁倫統領提鎮等
共帶兵二萬餘名分路辦理自可集事現在竄
往寧河之賊以及張漢潮之餘孽並西鄉邊界
餘匪爲數亦不過萬餘卽間有增添者亦無非
到處被裹難民臣現在帶兵剿擊此番來陝必
須先將陝境所有之賊以次肅清若川省之賊
同時已經蕺事固屬甚善否則再與那彥成等

折回趕辦此又臣前後籌辦之實情也總之臣

於茂前不能將大局裁定究屬辦理不善此後

惟有勉竭血誠察承

將訓倍加惕厲以期迅奉膚功

同日那彥成恒瑞奏言臣那彥成自油房溝起

程卽由五郎洋縣城固兼程前進臣恒瑞亦由

夷路孝義尾夜趕來初十日先後行抵漢中步

隊官兵於十一日始行到齊查老林竄出之賊
已分兵交岱森保觀祥等剿辦現據留壩同知
禮縣等稟報川匪約有二萬餘人由畧陽竄至
甘省徽縣又分一大股竄至兩當之酒店溝是
賊蹤業已竄近棧道臣等既至漢中入棧較近
若復折回專辦老林竄出之賊道路迂遠且德
楞泰之兵因路遠尙未趕到額勒登保是否亦

帶兵赴甘未得確信臣等審察賊情與松筠再

三等酌現在川匪人數甚多已距棧道不遠並

無大兵截剿設由棧道北竄峪外平地滋擾甚

延更關緊要臣等不敢拘泥現奉

諭旨已迅卽帶領馬步官兵由襄城前進上緊追截

若賊已過棧竄入南山仍可跟蹤進擊與台布

併力剿辦均奏入

擾一面飛札總兵朱射斗速帶官兵由彼剿擊

前來與臣會合一面札調總兵百祥將所帶雲

南陝西等省官兵並鄉勇等除酌留一千六百

餘名於羅紋壩等處防護糧運外其餘盡數帶

到達州歸臣統領臣連日將應辦各事宜趕緊

料理茲百祥領兵已到除再行飛札朱射斗外

臣卽於本月初八日自達州起程進剿隣水大

竹一帶賊匪查德楞泰現在開縣大寧一帶追

剿七十五亦在大寧川陝一帶邊界剿賊

臣今

督兵取道隣水大竹如賊匪仍行東竄亦卽跟
剿前進若與德楞泰七十五相遇正可兩路夾
攻務期迅速掃除淨盡奏人

上命軍機大臣傳諭魁倫曰昨據倭什布奏陝西平
利竄匪闖入楚省邊界已令德楞泰帶兵迅速馳

赴陝楚邊隘地方奮力協剿川省各股賊匪現據
額勒登保奏稱不過數餘著專交魁倫剿辦魁倫
乘此機會若能一手督辦奮勉成功自當加以懋
賞但德楞泰一路現據魁倫奏稱在大寧一帶追
剿而額勒登保摺內又稱德楞泰因接松筠來札
已由太平直趨西...與魁倫所奏互異德楞泰現
在究赴何處剿賊並著魁倫查明具奏至此次關

入湖北邊界之賊據倭什布奏稱現有五千餘人
是否七十五一路防堵不力以致竄近楚界著據
實查明若賊匪仍從七十五防堵地方逸出應令
七十五就近幫同剿辦勉圖自贖如非由七十五
一路竄逸仍令其在原處堵剿再川省竄入甘境
之賊如過白水江卽係川省龍安地界防守緊要
尤須嚴備該處有路可通成都若防禦稍疎或致

賊匪闖入川南一帶則關係更重此地聞卽係陰
平小路自有險要可守魁倫務須預爲籌備飭令
該處文武員弁加意防範勿使川南未經被賊之
區致滋擾累

同日松筠奏言竊臣據甘省各屬稟報賊匪一

股由徽縣北竄秦州在州屬之馬家壩店通廟
白草坪各處滋擾一股西竄禮縣之長道鎮廟

見山一帶最後一股分竄兩當鳳縣地方距棧道僅五六十里現在總兵吉蘭泰道員瑞亨繞至徽縣追截知府隆興帶兵五百名偕知州王賜均督率民勇固守秦州藩司楊揆亦自平涼帶兵二百名由隆德秦安趕赴該州彈壓臬司姜開陽所調甘涼之兵陸續到齊慶成卽可由靜寧帶赴鞏昌堵剿是甘省西北一帶尙可不

致深入兩當之賊探馬已至棧內總兵索費英
阿趕至廢邱關迎截賊探退去一時未敢徑過
棧道但兵單路歧幸那彥成恒瑞兼程趕來所
帶各兵已於十一日齊抵漢中卽由褒城入棧
取道鳳縣兩當入甘剿辦似可不致蔓延惟西
南階岷二州爲去歲賊匪經由之路此時無兵
攔截賊匪或竄逸該處臣飛飭該州牧鼓勵鄉

勇設法堵禦適據寧羌州探報額勒登保於初九日自保寧起程日內可到陝境或由陽平關

直達階州或由白馬關趕赴西和直抵岷州應

俟其到時臣將情形詳爲告知相機進剿其前

竄西鄉一股賊匪已至楊溪河臣飛咨王文雄

趕至司渡河迎剿以遏北竄德楞泰於初十日

已抵西鄉之堰口如順道先將此股剿除即可

帶兵入甘會同截剿或額勒登保德楞泰仍留
一人回川剿辦餘匪而那彥成恒瑞已入甘境
添得一路兵勇自可併力殲除現在川匪多竄
陝甘川省大兵亦入陝境臣將兩淮解送頭二
起川餉護送入川其三四起川餉卽截留在陝
一切軍火糧餉均寬爲預備源源接濟不致貽

悞奏入

上命軍機大臣傳諭松筠曰陝省竄匪因該處官兵防堵不力已闖入甘境徽縣一帶松筠猶稱甘省西北尙可不致深入實屬無恥現在額勒登保那彥成等已帶兵會剿聲威壯盛自可乘機剿捕悉數殲除至德楞泰打仗固稱勇往然以一人而川陝楚三省均需伊帶兵剿賊將令彼何所適從昨已有旨令德楞泰前赴湖北協剿竹山竹谿一帶

竄匪並令松筠前往暫署督篆松筠於長麟未到
之先務將陝省應需軍餉妥爲籌辦俾大兵所至
糧餉源源接濟不致稍有貽誤長麟到彼想已不
遠松筠當確探信息於長麟將抵漢中一二站時
前往迎晤交代一切就近取道馳赴湖北竹谿一
帶督辦剿捕事宜速將陝楚邊境竄匪剿除淨盡

同日

上命軍機大臣傳諭荊州將軍弘豐曰昨據倭什布
秦川省竄匪合夥力撲卡隘衝入楚境竹山竹箆
一帶希圖東竄現在秦集兵勇加緊追剿該省襄
陽一帶與東路逼近倘賊匪意存窺伺欲圖竄入
該處兵力稍單恐不足以資堵禦著弘豐確探此
股東竄賊匪爲數究有若干如業經官兵截回該
將軍不必輕動若漸有東竄之勢卽於駐防兵丁

內酌派一千名或五百名親自帶領統稱數千爲倭什布等迺壯聲勢並酌量迎頭堵擊與倭什布等兩面夾剿更爲得力如賊匪已逼逐出境弘豐亦不必跟蹤遠追仍帶原兵回駐荊州可也

二十日

癸酉

上命軍機大臣傳諭各路帶兵大員及各督撫曰自教匪滋事以來四載有餘任其東奔西竄總未殲

除固由帶兵大員剿辦不力而地方要隘不能認真堵防尤屬貽誤若果能各按地方形勢扼要攔截則帶兵追賊之人無難卽時趕上奮力殲擒是日前辦賊機宜以堵爲上策若堵禦不嚴縱使帶兵之員從後追躡而前無攔截賊匪仍得任意奔竄到處裹脅人數日增官兵隨賊所向來往尾追疲乏日甚卽如現在川省賊匪被剿緊急俱向陝

甘湖北邊界竄逸而各該處卡隘不能堵禦任其
闖入陝楚堵禦不力之官員本應律以軍法此次
從寬又觀後效若再令輾轉奔逃賊匪何時始能
剿盡朕亦不能廢法必嚴懲重處毋謂教誡不預
也川陝等省雖深林密箐之處甚多然必有要隘
地方可操一夫當關之勢必當相度地形擇要守
隘使賊匪不能衝越於剿捕方能得力總之能堵

而後可以言剿亦必能剿而後可以言撫蓋內地
人民非邊徼外夷可比如從前廓爾喀等部落及
現在青海番賊滇南猺黑果能畏罪乞降將爲首
滋事之人獻縛即可令各安邊界就事完結操縱
在我今賊匪俱係內地民人在川楚陝甘一帶蹂
躪地方荼毒百姓一處未淨卽一日不能戡事斷
無置之不辦之理必須痛加殲戮使賊匪自知奔

逃無路畏懼投誠方可行招撫之策示之必克其
降乃固而受撫以後若止量加資助給以口糧不
過爲將就目前之計轉瞬仍形缺乏此等旣經從
賊之人無以謀生難保其不復萌故智該督撫等
務須悉心籌畫設法妥辦使投出之人除召募入
伍外有田可耕有業可執於安輯之後永無失所
共慶樂生方爲妥協節次所降安撫之旨甚明地

方大吏均當仰體朕懷盡心經理也

同日魁倫奏言竊

臣欽奉

諭旨以軍務日久未蒧

特飭各路統兵大臣將剿捕賊匪有何實在爲難之處直東無隱仰見我

皇上宵旰勤勞熟籌方畧之至意伏查川省現在賊匪人數比前較少其往來竄突實祇爲搶掠道

逃之計其勢日益窮迫捨命狂奔我兵逐日跟
追而前無所堵後無所防賊匪遂得乘間分散
竄逸隔三數日彼此會合散者復聚前之奔竄
餘匪僅數百人後復聚成數千人或另立新名
或別爲數股額勒登保到達州時會與臣當面
熱商官兵尾追實無一日少停必須各州縣所
轄交界要隘地方各自嚴兵防堵遏其奔竄之

路方能通歸一處聚而藏旃而兵丁止有此數
卽添調別省之兵不特遠道勞費亦恐易地不
能得力勢不得不添募鄉勇以資就近堵剿責
成地方官各守邊界然合計川省東北應須防
堵地方不下三十餘州縣而各州縣境界毗連
可通之路甚多卽擇要隘處所星羅棋布每州
縣亦不下數十百處每處以三五百人計卽每

州縣須添鄉勇數千人統計不下百十萬人所
費帑項不貲誠難爲繼此剿之爲難也至賊黨
中被脅之徒仰蒙

恩宥宥其死罪自上年遍貼贖黃陸續投出者已四
萬餘人近日頗覺寥寥推原其故實因此等均
係殺人放火罪大惡極之犯兼有赤手單身素
無恒業自知投出後卽地方官給予口糧路票

令其回籍而無家可歸無業可復故且爲匪以
苟延時日且各處村莊堡寨前此多有被其荼
毒者該匪等慮投出之後經過其地爲所報復
卽如近日投出之徐添德親戚藍文相及徐添
德之徒孫楊大順楊永新等因從逆日久投出
後歸至達州本鄉該處民人不特將其家業指
爲叛產不許給還且各欲手刃不肯容留前來

達州求爲安置臣本擬送至成都省城安插恐

欲來投首之人又復觀望且臣現在帶兵卽將

藍文相等帶來軍營以備拏獲賊匪時令其認

識亦可備招徠夥黨之用又徐添德之義子譙

三才改名徐大信亦經投出其本鄉亭子鋪百

姓不容臣亦照藍文相等之例辦理一面出示

曉諭刊刷執照填明免死字樣蓋用總督印信

並以如係頭目卽量子頂戴俱不許兵民擅行
拘執仇殺但查該匪等在各州縣地方滋擾該
地方百姓之父兄實有被其殺害者民人既有
不共戴天之仇亦未便遵律以擅殺之罪此時
如藍文相等人數尙少較易安插如將來人數
衆多本省旣難安插他省亦慮其滋事且亦難
得閒曠之地將伊等安置此撫之爲難也然招

撫尙在將來自當別籌善後良法此時總以剿
捕爲急而有剿必須有堵川東北各州縣不能
盡添鄉勇祇可於目前急切緊要處酌量添
雇以資防堵至川省各處寨硿極多該地居民
原可藉資防守但寨有大小其大寨力足禦賊
屢經殺賊有效而小寨居民無多不能不在平
地耕種備作力旣無以禦賊又恐賊匪攻破寨

礮焚掠一空是以往往於賊匪經過時拋棄糧
食於外賊匪得有糧食卽不焚其所居又有追
兵未至時賊匪向小寨倍價買糧小寨之民恐
其攻破不得不賣給者此臣與額勒登保均有

所聞本屬可恨然小民計圖免害且未得實據
亦未便遽治以濟匪之罪經額勒登保與臣出

示嚴禁之後臣復差弁兵持令到處剴切申諭

務令賊匪糧絕知有密督免死印照可以憑信
趁此數月野無可掠以賊匪等飢疲交迫冀得
痛加剿戮使其膽破魂驚率衆來投再行妥爲
安置方易戢事再建昌道劉清在川年久於招
撫難民及督率鄉勇等事最爲熟手

臣

於初八

日自達州帶兵起程時卽派委該道隨營總理
一切事件所有達州局務留道員嚴士鉉陳預

等率同候補知府吉郎阿等辦理

魁倫又奏言竊據松筠覆奏移駐鎮道摺內請
將四川提督移駐達州仰蒙

聖訓令臣悉心察核據實具奏查四川提督駐劄成
都誠如

聖諭原以控制金川及西藏等處番夷若移駐達州
轉覺偏於一處至目下達州情形固爲緊要將

來平定後卽與各州縣無異惟查太平縣地方

甚大臣前在川省時卽所深知十餘年前因山

深路險居民尙少近年開山種地者頗多該處

地方遼濶最易藏奸且與陝西西鄉等縣連界

路徑叢雜昨額勒登保過達州時臣曾與其商

論及此擬於辦善後時太平縣酌量請添設總

兵一員及標下將弁兵丁以資駐守並擬將蕤

州協巫山達州等營歸其統轄方能有濟至添
設總兵及鎮標官弁兵丁並添益衙署兵房糧
餉等項均應核計我

國家經費有常必須通盤籌畫或應徑行添設或
應別處酌裁歸併之處統應於辦理善後事宜
時再行酌辦奏人

上命軍機大臣傳諭魁倫曰魁倫奏川省剿撫情形

所諭皆合竊要朕已降旨以能堵而後能剿能剿而後能撫詳悉通諭各路帶兵大員及各督撫等實力辦理至百姓等遭賊荼毒切齒痛恨故於投出之人皆欲得而甘心此亦必然之勢是以節次諭令地方官妥爲安撫並禁胥役等凌虐婪索魁倫不許兵民擅行拘執其百姓內有因父兄曾被殺害不共戴天亦未便遽律以擅殺之罪所辦皆

是惟欲將投出頭目給與頂戴一事斷不可行此
等曾經從賊之人宥其一死已屬格外從寬若給
予頂戴何以服百姓之心卽鄉勇等代官兵堵禦
尙未能盡加獎勵而曾經從賊之人投出後轉得
邀頂戴之榮恐鄉勇見之亦未免心懷缺望此等
投出邪匪果能招徠同類或臨陣奮勇殺賊尙可
酌量加恩斷無一經投出卽予頂戴之理此時尅

倫甫經帶兵自當大加振作現在應勒登保已赴
陝甘德標泰已往湖北所有川省各股零星賊匪
專交魁倫剿辦該督務須上緊截擊奮勉成功其
所奏太平縣添設總兵一節應歸入善後事宜此
時不妨畧緩也再川省築堡一事既已行之有效
本日蒙台布奏陝省南山一帶寨堡俱已完竣其
中有民人自行出貲修築者有官爲攸助者已降

旨令台布將公捐銀兩之巡撫藩臬知府等開列
名單進呈其民人等應如何酌加恩賚之處一併
具奏因思川省修築堡寨與陝省相同或係民間
自行出貲辦理或係官爲伙助著魁倫查明具奏
候朕酌量加恩

同日台布奏言本月初六日尙書那彥成等帶

兵西發後臣逐加籌酌張逆餘黨由那彥成節

次督兵悉力追擊稍形窮蹙一知臣等分營之

信自必別生詭計就兩處緩急而論川匪正在

猖獗非重兵不足痛剿臣仰蒙

委任專辦南山各股兵力尙敷惟步卒從征日久疲
乏怠玩均所不免連日與岱森保親自挑選統
計存兵五千一百六十餘名除

盛京馬兵七百名專令駐紮峪外梭織馳驟以防

賊匪竄出平地其山內征兵實計四千四百六十餘名內年力精壯可以打仗者二千四百餘名查藍號賊匪自高遇春就獲後已併爲一股在西奔竄白號一股經叅將李天林等躡擊翻山竄往西南卽以挑選之兵分爲兩路每路一千二百名各配鄉勇五百名跟蹤緊追其餘各營兵一千九百餘名再加甄別將實在難望得

力者盡行撤歸原省原伍以節虛糜核計存剩

尙有一千五百名留於

臣

營爲臨時分撥策應

聲援之用其帶兵各員如岱森保觀祥愛星阿

多爾濟扎普等俱更事已久

臣

勉以振刷精神

及早竣事現在岱森保愛星阿於初八日帶兵

向西追剿多爾濟扎普海洪阿等於初九日帶

兵向西南迎擊勇往奮迅之氣俱屬出於至誠

五郎爲扼要適中之地臣前請先將鄉勇編充

營兵派員專司操練目前更爲萬緊已大張告

示令鄉勇人等情願當兵者卽赴五郎廳報名

入冊一面飛調都司銜黃瑞守備銜陳大用星

夜前來賁令駐守五郎專演新兵並飭署通判

張約趕緊購買民間被賊焚燒房屋材料先蓋

兵房數十間俾資棲止得此新兵聲勢臣亦可

放心他往一俟黃瑞到後立即探明兩路賊蹤
何處緊要卽往何處策應並嚴檄南山附近州
縣各帶壯丁入山巡查多派能事捕役於各隘
口晝夜偵緝以佐兵力所不逮再據叅將李天
林都司劉滿貴稟報追躡白號賊匪於正月初
二日在札溝打仗殺賊十七名生擒一名臣已
飭令李天林趕赴將軍恒瑞軍營劉滿貴留於

臣營帶兵適在拜摺間接據署寶雞縣事李承

道稟報川匪已竄至鳳縣之唐藏地方臣查賊

匪既至唐藏必思逸出峪口省城守禦空虛平

地州縣非南山屢被蹂躪者可比前留

盛京兵七百名在峪外駐紮尙覺少單目前情形

臣自當兼顧省城不便稍有拘泥是以卽刻拔

營向洵陽壩江口一帶進發選派鄉勇分投確

探如川匪有竄出平地之信臣卽星夜趕出子

午峪迎頭攔截以期保護平原如川匪不至深

入陝境而張逆餘黨經岱森保多爾濟扎普等

兩路官兵逼剿向東臣仍可由北面繞回策應

其五郎地方亦關緊要已撥山西兵三百名交

與富成帶領駐守

台布又奏言臣於上年十月進山之初沿途體

訪修築堡寨一事人皆觀望因循其故由於山
內村落大小不齊人戶貧富不等莫肯首勸經

臣

與那彥成繕發告示分派丞倅佐雜攜帶銀

兩分投曉諭臣等經過之地復又面加開導至

十月底漸有義首人等捐資興築嗣遂齊心踴

躍處處興工十二月底普行完竣統計藍田郿

鄠寶雞商州鎮安商南雒南孝義五郎等廳州

縣共築寨堡五百四十一處內民間自行捐修者四百四十八處官爲伙助者九十三處計共用銀五千一百四十兩臣已與藩臬兩司及委令總辦之知府等公捐發給現在老弱婦女盡行移入寨中不致遭賊荼毒惟所築寨堡悉踞高山巔頂每日上下取水勢不能禁並有自做燒餠餅餌下嶺售賣及照看地畝等事亦不便

阻其謀生種作往往猝遇賊匪上寨不及間被
傷殘此亦百密一疎之理較之從前到處可以
裹脅搶殺情形實已安堵除興漢二府地方松
筠就近查奏外所有南山東南一路寨堡均已
捐修完竣再民修寨堡內有數戶共捐一寨者
亦有數十戶共捐一寨者惟孝義廳生員潘大
康獨力捐修十寨實爲好義急公可否量予獎

勵之處出自

天恩再查教匪滋事以來陝省被賊州縣疊蒙

聖慈蠲緩賑貸間閭元氣漸復臣目擊南山被賊處

所墾植樹藝悉皆因任自然賊至則避入寨中

賊去則出而種作麥苗包穀隨意灑佈聽其自

行滋長尙不至全行曠廢興漢地面皆山情形

當亦相同惟興安隣近湖北漢中毗連四川賊

匪來往次數較多亟須妥爲綏輯

臣

已嚴檄各

縣作速詳查戶口實力撫卹並飭催前委查勘
知州王駿猷據實密稟以爲考核印證總期民
沾實惠帑不虛糜均奏入

上命軍機大臣傳諭長麟台布曰台布自分兵專辦
南山各股賊匪以來將從征日久疲乏之兵量加
裁汰重爲整齊實力妥辦並不稍存畏難之意此

殷張逆餘匪現已派令岱森保等分投剿捕諒可
卽日殲除至所稱確探川匪信息如竄出平地卽
趕出子午峪迎頭攔截所見甚是昨據那彥成奏
已帶兵馳赴留壩入棧今川匪既有竄至鳳縣地
方之信那彥成相去不遠伊自當在彼截剿但該
處距省甚近台布自當酌量情形何處緊要卽於
何處堵截總之未經被賊處所斷不可任其滋擾

如鳳翔西安二府屬爲陝省精華之地尤應預爲
防範勿使該處民人有風鶴之驚必當時刻留心
再台布於五郎適中之地先將鄉勇編充營兵檄
調黃瑞陳大用任守五郎專演新兵伊二人曾任
提鎮大員經朕棄瑕錄用自必勉圖報効令其訓
練新兵實爲得當再南山寨堡俱已修築完竣將
老弱婦女及糧石等項移入寨中使賊匪無從裏

掠堅壁清野最爲良法今官爲扶助者共有九十
三處殊屬可嘉著將公捐銀兩之巡撫藩臬知府
等員開單具奏候朕加恩其民間自行捐修之四
百四十八處亦屬踴躍急公生員潘大康著以從
九品未入流咨部選用其餘亦應普被恩施著台
布查明具奏此時南山一帶俱經築堡而興漢地
方尤爲賊匪出沒之處更當上緊趕辦前據松筠

奏已分飭各州縣曉諭居民齊心修築其會否一律完竣未據松筠奏到長麟現已到漢中任事著該督查明興漢二屬寨堡如尙未修築務須諄切曉諭該處民人依照南山一帶寨堡分段趕辦不可再任遲緩倘民人等力有不逮或與南山形勢不同亦當據實奏明再行設法辦理